

歷代 日記叢鈔



學苑出版社

歷代日記叢鈔

第四〇冊

— 1984.12.15. 1985.1.15. 1985.2.15. 1985.3.15. —

日記叢鈔

(清) 李棠階撰

李文清公日記·一

中州河嶽廣峻民物敦固自周程
講學以至敬存誠為脩道進德之
本啓誘來者越六百年復得夏
峯孫氏繼其餘緒導揚禮義以
振衰而式靡焉中州理學之傳遂
又閱二百數十年而弗墜其居最

後以儒脩得大名者則倭文端李文清
二公是二公當道咸之際同以翰林
游登台輔公忠恪萬佐天子以甄拔
賢良戡定大亂事功炳焉載在史
冊文端著述早槩行世文清之書
陳中丞寶箴官軫術懷道時始為

錫板世昌儒寄河朔曾得讀之生
不同時輒自憾烏速登朝籍見夫
偽學充斥正氣牯亡國家疲弊
厄羸至於不可支養痾變醕有
志未逮又竊自傷矣比歲既厲王
君晉卿摯賴直隸文獻以存桑梓

者後之嘉言懿行復脩大梁羣彥
屬李君敏脩徵求中州賢哲遺書薈
萃編錄而於理學正傳如文端文清之
所學者雖單詞隻義亦必著之以
餉學子文清公孫廼出其祖手寫強
齋日錄授之敏脩敏脩轉以示余凡

二十六冊前四冊已闕起道光十有
四年二月迄同治四年十月興居
酬酢讀書治事靡不詳載而楷
字細書之律已之嚴持躬之約獎
善之殷接物之誠直以憂勤惕厲
之所夕靡間者行其好學不倦萬

信謹守之素烏虜如公者真所謂
莊敬日強之君子乎夫國家之治
忽繫乎人、才之隆替視乎學、
之純與駁則又在其人審辨之明
踐履之真初不容有絲毫空氣
存乎其中未有真經濟而不由

學問來者亦未有真學問而可須
臾之放逸者公與文端兩賢相立曰
贊襄以勸想往代中興之業後此
繼之而起足以坊表斯世而載揚嵩
雒之靈者有其人乎無其人乎世運
日新賢人蔚勃亦竊願濟士夫共

勉之爾敏脩將以日錄付印書此
於端以為知人論世之助有知言者
當不鄙吾之腐也

乙卯仲冬天津徐世昌謹序

講程朱者喜斥陸王門戶之見。類然獨清初孫徵君能融程
朱陸王而一之。然實以王學為宗。後二百年咸同之際。講王
學者有河內李文園先生。當是時。皖粵各匪蹂躪半天下。兼
以權奸煽惑天下。岌岌不能旦夕。文先生居樞府。叅密勿不
動聲色。措宗社於磐石之安。卓哉與曾胡比烈矣。先生著述
甚多。而心學之要。於日記獨揭其蘊。自道光十四年二月起。

至同治四年十月止一事之得失一念之慊欺纖悉畢載戰戰兢兢必使主人翁無瞬息不在室而後己人但見其黉為事業彪炳史冊直與王新建爭光而不知其律己之嚴平日於致良知之功為最密也余與李君敏修開局都門徵輯中州文獻得先生手書日記十餘冊如獲隋珠亟付手民以餉後進特撮其大旨如此項城後學張鎮芳謹序

同治甲戌侍祖中憲公山陽講塾每
為述中州鄉先生故事自宋兩程子
逮魯齋敬軒夏峯睢州最近者則為
河內李文清公公道咸聞主講河朔
距山陽百里而近餘韻流風往往傳
於父老之口其生平立朝大節造道
微言或非閭里所能知至謂公盛暑

不去衣冠與鄉人處油油然無所校
作顯宦不名一錢乃至今稱道弗衰
越十有五季時燦問學安昌王少白
先生先生為文清公入室弟子年八
旬矣談學術源流適道次第娓娓不
倦且曰恨子不及見李文清公有清
至咸豐末造國統幾中絕洪楊肇亂

苗張繼起非樞密楨勤將帥宣力詎
能再見太平四十年来海内人士論
中興功僉外首曾胡内推倭李諸君
子政書學說久經風行曾文正公日
記最後出讀其書者羣知名臣事業
蓋非偶然民國乙卯時燦從事中州
文獻得李文清公手書日記十數冊

於其文孫繩甫自道光甲午迄同治
乙丑雖間有缺畧然翼翼之懷三十
年如一日謀諸張馨菴參政慨出鉅
貲亟為印行公得力新建致良知之
學於紫陽亦無牴牾省察之密克治
之嚴尤足拯龍溪海門輩末流之弊
正襟莊誦穆然如左監右史森存法